


Konungz. Maj:tz Pass, för Skeppet Gyllen Cron.



SOT // Utbrutna ligg. fol. extra stort format / Kungl. förordningar

Tillkomstår 1631

Digitaliserad år 2016



National Library
of Sweden

Ronungz. Maj: ^s Pass/ för Skeppet
Gyllen Cron.

NOS GUSTAVUS ADOLPHUS Dei Gratia, Sveco-
rum, Gothorum, Wandalarumq; REX, Magnus Princeps
Finlandiæ, DUX Esthoniæ & Careliæ, nec non Ingridiæ DO-
MINUS, &c. Omnibus & singulis hæcæ Visuris & Lecturis,
notum testatúm; facimus, earum exhibitoem ANTHO-
NIUM ELIAM Nauclerum & subditum Nostrum cum Navi
Gyllen Cron dicta, diversis mercibus gravi, navigationem, DEO & Ventis
faventibus, in Hispaniam instituisse, ut ibidem in Urbibus & locis sibi
commodis, dictas merces suas exponat, distrahat, aliasque vicissim usui
suo inservientes, sibi comparet & retrovehat. Quò verò iter institu-
tum eò tutius & securius iniret & absolveret, supplicando à nobis pe-
tijt & impetravit, ut Diplomate nostro assertorio, cœptis ejus clementer
favere dignaremur. Ab omnibus itaq; Regibus, Principibus, Potestati-
bus, Rebus publicis liberis, earumque Legatis, Officialibus & Præfectis,
cujuscunque eminentiæ & dignitatis fuerint, quos præmemorato Nau-
clero, hac in navigatione sua compellare opus fuerit, amicè, gratiosè, &
clementer requirimus, ut ei, cum dicta navi, omnibusque personis &
bonis quæ eadem vehuntur, in portus & ad loca destinata, liberam ad-
pellendi, manendi, commercandi, & peractis negocijs, inde solvendi,
ac sine ullo arresto, vel alio quovis impedimento in Regnum nostrum
redeundi potestatem concedant. Præstabunt nobis hac ratione, rem
adprimè gratam, & à nobis datà occasione non tam simili, quam quovis
alio officij genere, amicitia insuper, benevolentia, gratiâ & favore No-
stro Regio compensandam, quæ semper parata omnibus & singulis, ha-
bitâ uniuscujusque conditionis ratione, amicè, benevolè & clementer
deferimus. In majorem rei evidentiam, præsens Diploma manu No-
strâ signatum Sigillo Regio firmari mandavimus. Ex Oppido Cosvvi-
censi ad Albim, die xxv. Mensis Sextilis, ANNI supra Sesquimillesimum
Centesium Trigesimi primi.

Gustavus Adolphus.

Borgmästars och Råd: i Stockholm
Pass/ för Skeppet Gyllen Cron.

NIVERSIS & singulis cujuscunque dignitatis, præminen-
tiæ seu conditionis fuerint, ad quos præsentis hæc literæ
pervenerint; Nos Consules & Senatores Regiæ Civitatis
Stocholmensis, notum testatumque facimus, earum ex-
hibitoem ANTHONIUM ELIAM Nauclerum civem nostrum
dilectum, cum navi, quæ CORONA AUREA insignitur, diver-
sis mercibus gravi, navigationem, DEO & ventis faventibus, in Hispa-
niam instituisse, ut ibidem in urbibus & locis sibi commodis, merces
concreditas exponat, distrahat, aliasque vicissim usui negotiatoriæ So-
cietati inservientes, sibi comparet & retrovehat. Ut autem instituti
sui fructu ubique gentium gaudere posset, humiliter à nobis expetijt,
ut testificationem nostram, tam de navi concredita, personis, ac bonis,
quæ in ea vehuntur; quàm de loci hujus ac auræ securitate ei commu-
nicare haud gravaremur. Cujus nos honestæ pariter ac justæ petitioni
nequaquam refragantes, fide candida testamur, prædictam navem in
Regno Sveciæ esse extructam, Societati que mercatoriæ hujus Civitatis
cum omnibus mercibus ac bonis in ea oneratis, esse propriam, cujus
personæ nauticæ tam Regiæ Majestati, Domino nostro clementissimo,
quàm Societati prædictæ juramento sunt obligatæ, omni que, DEI gra-
tia, contagione pestifera immunes ac liberæ, ac si ex Regione auræ que
saluberrima essent profectæ. Ea propter omnes & singulos, eos vel ma-
ximè qui imperij clavum tenent, ad quorum terras & loca prædictus
NAUCLERUS cum socijs navique appellere contigerit, magna operè roga-
tos esse volumus, ut eum in hujusmodi suo transitu, commendationis
nostræ intuitu, recommissum suscipiant, humanitatis amore, justitiæ-
que subsidio prosequantur, atque in his, quæ securitatem & celerita-
tem sui concurrunt itineris, gratum exhibeant affectum, eumque per
quoscunque portus, Civitates, Oppida, & quælibet alia loca, absque ali-
quo impedimento & molestia transire, morari, & redire permittant.
Quicquid porro commodi & favoris ei commendatione nostra conti-
gerit, id ipsum nos in simili casu esse facturos animo perlubenti stude-
bimus. In supradictorum autem fidem, hæcæ patentes Sigillo Civitatis
nostræ muniri curavimus. Ex Regia Stocholmensi: xvi. Kalend. Men-
sis Decemb, ANNI supra Sesquimillesimum Centesimi Tricesimi primi.

Ex mandato Spectabilis Senatus
scripsit.

Ægidius Aurelius Secret.

16 Dec. 1631.

14/2 1631

